


Su Sìndigu Ladu a traballu po superai is diferèntzias econòmicas tra is traballadoris pùblicos



Eris sera a merì, cun invitu de s'Onorèvoli Salvatore Corrias, Presidenti de sa Prima Cummissioni Permanenti de sa RAS, su Sìndigu Marcello Ladu, paris cun is atrus rapresentantis de is Comunus cabulogu de provìncia, at pigau parti a is traballus de su Progetu de Lei 68, chi interessat is disponimentus po s'atuamentu de su Cumpartu

ùnicu de cuntratazioni collettiva de sa Regioni e de is entis localis.

Su Sìndigu Ladu, in s'interventu sù, at nau ca tocat a superai is diferèntzias de tratamentu econòmicu de is traballadoris pùblicos, siat de is entis localis, siat de sa RAS in totu is articolatzionis suas, po garantiri cunditzionis de traballu mellus de is dependentis.

Cun s'idea de favoriri unua collaboratzioni profetosa e giusta cun su legisladori regionali, est stètia spedia una PEC formali a sa Prima Cummissione cun una nota cun totu is parris e is annotus tècnicu-amministrativus chi ndi funt essius a pìgiu in sa riunioni.

S'aùgurat chi, in tempus lestrus e cun is risursas finantiàrias adeguadas, si potzat disciniri custa situatzioni chi fait dannu a medas professionalidadis impreadas in is amministratzionis comunalis, eliminendu is diferèntzias chi immoi esistint tra traballadoris.